

DOGFEN CYNIGION CYN ADNAU STRATEGAETH A FFEFRIR - FERSIWN HAWDD EI DDARLLEN

Beth yw'r ddogfen hon?

Fersiwn hawdd ei Ddarllen yw'r ddogfen hon o'r 'Strategaeth a Ffefrir' ar gyfer Cynllun Datblygu Lleol Merthyr Tudful (CDLI yw'r talfyriad). Mae'n dweud wrthyb ba mor bell y mae'r Cyngor Bwrdeistref Sirol wedi mynd i baratoi Cynllun Datblygu Lleol (CDLI) sy'n gyfredol.

Beth mae CDLI yn ei wneud?

Rhaid i CDLI:



- ◆ Ddynodi digon o dir ar gyfer adeiladu tai hyd at 2031;
- ◆ Cyfarwyddo datblygiad newydd tuag at dir sy'n cydbwysu pryderon amgylcheddol, economaidd, cymdeithasol a diwyllianol;
- ◆ Helpu gyda chadwraeth tir sy'n bwysig o ran bywyd gwylt ac adeiladu sy'n bwysig am eu hanes, a;
- ◆ Sicrhau fod cenedlaethau'r dyfodol yn diwallu eu hanghenion.

Nawr bod y Cyngor wedi dynodi strategaeth a Ffefrir ar gyfer y CDLI, mae'r Cyngor bellach yn rhoi cyfle i bobl fynegi eu barn am y dewisiadau hyn.

Cyflwyniad

Sut gallaf rannu fy marn?

Beth yw Cynllun Datblygu Lleol?

Beth yw'r camau allweddol ar gyfer paratoi'r CDLI Amnewid?

Beth yw'r Strategaeth a Ffefrir?

Beth yw ein dull gweithredu ar gyfer paratoi'r cynllun?

Beth sydd wedi digwydd hyd yma?

Sut ddylai Cyngor Bwrdeistref Merthyr Tudful dyfu yn ein barn ni?

Ble ddylai'r tai gael eu hadeiladu yn ein barn ni?

Y diagram allweddol

Beth arall ydyn ni'n ei gynnig?

Beth sy'n digwydd nesaf?

Cyflwyniad

Rydym yn paratoi cynllun sy'n arwain sut y dylai Merthyr Tudful dyfu dros y 15 mlynedd nesaf. Bydd yn dangos faint o adeiladu newydd yr ydym yn credu sy'n briodol a ble yr ydym yn meddwl y dylen nhw fynd. Hyd yma, rydym wedi dynodi'r materion allweddol yn y Fwrdeistref Sirol a'u defnyddio i ysgrifennu drafft cyntaf o'r CDLI, sef y 'Strategaeth a Ffefrir'.

Rydym ni nawr am wybod os ydych chi'n credu bod ein dewisiadau, yn seiliedig ar y wybodaeth a gasglwyd, yn ddewisiadau cywir? Rhowch wybod i ni os oes gennych chi syniadau eraill ynghylch faint o adeiladu newydd sydd ei angen yn eich barn chi neu ble yr ydych chi'n meddwl dylai'r adeiladu hwnnw ddigwydd.

O'n hymchwil, rydym yn gwybod bod rhagweld y bydd y nifer o bobl sy'n byw yn y Fwrdeistref Sirol yn disgyn o ganol y 2020au, ac rydym am roi stop i hyn drwy wneud yr ardal yn lle deniadol ble y bydd pobl am fyw ynddo ac yn falch ohono. Er mwyn gwneud hyn, ein strategaeth a Ffefrir yw:



- ◆ dynodi amrywiaeth a dewis o dir ar gyfer adeiladu 2,250 o dai erbyn 2031;
- ◆ Dynodi digon o dir ar gyfer swyddi yn y mannau cywir;
- ◆ Gwneud pethau mor hawdd â phosib i bobl gael gwaith, ysgol a mynediad at gyfleusterau eraill;
- ◆ Gwellu ein rhwydwaith o fannau gwyrdd i bobl ymlacio a mwynhau, ac i natur a bywyd gwyllt ffynnu, a
- ◆ Gwneud y mwyaf o'n hadeiladu hanesyddol pwysig a'n henebion.

Sut gallaf rannu fy marn?

Mae sawl ffordd o ddweud wrthym beth yw eich barn am y 'Strategaeth a Ffeirir':



Mae sawl ffordd o ddweud wrthym beth yw eich barn am y 'Strategaeth a Ffeirir':



www.merthyr.gov.uk
Hyb Cwm Taf www.cwmtafhub.com



E-bostiwrch ni: devplanning@merthyr.gov.uk



Ysgrifennwch atom i'r Tîm Cynllunio Polisi
Cyngor Bwrdeistref Sirol Merthyr Tudful
Unet 5, Parc Busnes Triongl
Pentrebach
Merthyr Tudful
CF48 4TQ



Rhannwch eich safbwyntiau erbyn 12pm 25 Awst 2017.

Beth yw Cynllun Datblygu Lleol (LDP)?

Mae'r CDLI Adnau Merthyr Tudful yn ddogfen sy'n dangos faint o adeiladu newydd, neu 'ddatblygu', y mae'r Cyngor yn meddwl sy'n briodol dros y cyfnod cynllunio 2016-2031, a ble y dylai ddigwydd.

Ar ôl iddo orffen, bydd yn cymryd lle y CDLI cyfredol sy'n cynnwys 2006 –2021, a bydd yn cael ei ddefnyddio i helpu i wneud penderfyniadau am geisiadau cynllunio. Hyd at 2031 bydd yn cael ei ddefnyddio i gefnogi unrhyw gynlluniau ar gyfer datblygu a allai wneud y Fwrdeistref Sirol yn lle mwy deniadol i fyw ynddo a gweithio ynddo ac ymweld ag ef, a hefyd helpu i wrthsefyll ceisiadau nad ydynt yn gwneud hynny.

Er enghraifft, pan fydd darn o dir wedi cael ei glustnodi i'w ddefnyddio yn y CDLI, fel tai, mae'n cadarnhau fod yr egwyddor o adeiladu tai ar y tir hwnnw yn dderbyniol. Bydd yr un peth yn wir am dir a glustnodwyd ar gyfer unrhyw ddefnydd arall, fel diwydiant, trafnidiaeth, manwerthu.

Ar y llaw arall, os bydd darn o dir yn cael ei ddangos i fod yn bwysig ar gyfer natur, chwarae neu wagle agored, neu yng nghefn gwlad, gall y cynllun helpu ei ddiogelu rhag datblygiad. Pe byddai tir o'r fath yn cael ei golli i waith adeiladu, gall y cynllun helpu i leihau ei effaith neu wneud yn siŵr bod gwagle newydd yn cael ei greu i wneud yn iawn am y golled honno.

**Dyna pam ei fod yn bwysig eich bod yn dweud eich dweud
yn ystod y cam hwn**

Beth yw'r camau allweddol o ran paratoi'r CDLI Amnewid?

Mae'r camau allweddol ar gyfer paratoi cynllun adnau yn cael eu dangos yn y Cytundeb Cyflenwi (CC yw'r talfyriad), sef dogfen y cytunodd Llywodraeth Cymru arni yn Awst 2016.

I grynhoi, mae'n dangos sut a phryd fydd y camau i wneud y cynllun yn cael eu cymryd a sut a phryd gall pobl rannu eu safbwyntiau am y cynllun. Erbyn hyn rydym wedi cyrraedd Cam y 'Strategaeth a Ffefrir'. Caiff yr holl gamau allweddol eu dangos isod:



¹ Gallwch weld hwn yma:

<http://www.merthyr.gov.uk/media/2432/website-council-approved-replacement-ldp-delivery-agreement.pdf>

Beth yw'r Strategaeth a Ffefrir?

Mae'r Strategaeth a Ffefrir (SFf) yn ddogfen sydd wedi ei hysgrifennu fel bod y Cyngor yn gallu gofyn i bobl am eu safbwyntiau cyn ysgrifennu'r fersiwn ddrafft llawn o'r cynllun. Y mae'n dweud faint o ddatblygu newydd yr ydym yn meddwl sy'n briodol ac yn fras, ble yr ydym yn meddwl y dylai fynd. Y mae'n gosod allan 'strategaeth' y CDLI Amnewid.

Y mae hefyd yn diogelu yn erbyn unrhyw ddatblygu amhriodol yn yr ardaloedd anghywir ac yn dweud sut y gellir mynd i'r afael ag unrhyw faterion a allai godi wrth gyflawni'r cynllun.

Er mwyn gwneud Cynllun i bawb yn y Fwrdeistref Sirol, rydym o'r farn ei fod yn bwysig fod pobl yn dweud eu dweud nawr yn ystod cam cymharol gynnar o'r cynllun.

Beth yw ein dull gweithredu ar gyfer paratoi'r cynllun?

I'n helpu ni i benderfynu sut i symud y CDLI yn ei flaen, rydym wedi dynodi'r materion sy'n effeithio ar y Fwrdeistref Sirol, yna paratoi Gweledigaeth a nodau ar gyfer y CDLI; ac yna wedi datblygu rhai opsiynau ynghylch sut y gellir cyflenwi'r Weledigaeth hon.

Caiff y camau hyn eu dangos yn llawn yn y dogfennau cynhwysfawr ond yn gryno maen nhw'n cynnwys y canlynol:


CAM 1: DYNODI'R MATERION



CAM 2: PARATOI GWELEDIGAETH A NODAU

GWELEDIGAETH A NODAU

CAM 3: DATBLYGU OPSIYNAU YNGHYLCH SUT I GYFLENWI'R STRATEGAETH



Beth sydd wedi digwydd hyd yma?

Dynodi materion/problemau:

Er ein bod yn parhau i fod yn y camau cynnar o wneud y cynllun, mae swm mawr o wybodaeth wedi ei chasglu i helpu i ddynodi'r prif faterion sy'n wynebu'r Cyngor Bwrdeistref.

Cafodd y wybodaeth ei chasglu drwy edrych ar Gynlluniau, Polisiâu a Rhaglenni eraill a siarad â darparwyr gwasanaeth eraill sy'n gweithio yn yr ardal. Rydym hefyd wedi siarad ag unigolion ac arbenigwyr sydd â diddordeb mewn pwnc penodol. Caiff rhai o'r materion allweddol eu dynodi isod:

Gwella lles cymdeithasol:

- ◆ Cadw pobl yn yr ardal yn cynnwys Cymry Cymraeg;
- ◆ Dynodi digon o dir ar gyfer amrywiaeth o gartrefi newydd;
- ◆ Dynodi digon o dir ar gyfer amrywiaeth o gartrefi newydd
- ◆ Helpu pobl i gerdded mwy, seiclo mwy a defnyddio trafnidiaeth gyhoeddus dda.

Gwella lles diwylliannol:

- ◆ Diogelu a gwella diwylliant a threftadaeth leol.

Gwella lles amgylcheddol:

- ◆ Gwella lles amgylcheddol;
- ◆ Diogelu a gwella ardaloedd pwysig i'r tirlun, bywyd gwylt a natur; a
- ◆ Lleihau llygredd.

Gwella lles economaidd:

- ◆ Dynodi a diogelu digon o dir ar gyfer amrywiaeth o swyddi;
- ◆ Gwella pa mor atyniadol yw Canol y Dref a Chanolfannau Lleol;
- ◆ Cael amrywiaeth eang o siopau a chyfleusterau chwaraeon; ac
- ◆ Annog pobl i ymweld â'r ardal.

Creu gweledigaeth ar gyfer dyfodol Merthyr Tudful

Rydym wedi defnyddio'r holl wybodaeth a gasglwyd i:

- ◆ Dynnu llun o'r Fwrdeistref Sirol fel y mae heddiw
- ◆ Creu gweledigaeth o sut olwg yr ydym am i'r Fwrdeistref Sirol ei gael yn 2031
- ◆ Datblygu strategaeth i'n helpu i gyrraedd yno
- ◆ **Y Weledigaeth** - a disgrifiad yn cynnwys nodau cymdeithasol, economaidd, amgylcheddol a diwylliannol

I gryfhau safle Merthyr Tudful fel canolfan ranbarthol Blaenau'r Cymoedd yn Rhanbarth Ddinesig Caerdydd, annog lefel gynaliadwy o dwf i'r boblogaeth a bod yn lle i fod yn falch ohono ble:

- Mae pobl yn dysgu a datblygu sgiliau i gyflawni eu huchelgais;
- Mae pobl yn bwy, gweithio, cael bywyd diogel a chyflawn; a
- Mae pobl yn ymweld, mwynhau a dychwelyd ato.

Mae'r 'strategaeth' yn cynnwys:

- ◆ **Set o nodau CDLI** - modd o ddarparu cyfleoedd defnyddio tir i wella lles economaidd, cymdeithasol, amgylcheddol a diwylliannol pobl
- ◆ **Dewisiadau Tyfu** - dewis o wahanol feintiau o dwf poblogaeth, tai a chyflogaeth yn y dyfodol hyd at 2031
- ◆ **Opsiynau Gofodol** - dewis o wahanol leoliadau eang ar gyfer tai a chyflogaeth
- ◆ **Strategaeth** - disgrifiad o'r strategaeth
- ◆ **Polisïau Allweddol** - angen gweithredu eang i gyflawni'r weledigaeth a'r nodau a helpu i arwain penderfyniadau defnydd tir yn y dyfodol

Gellir dod o hyd i'r elfennau hyn yn fersiwn llawn y 'Strategaeth a Ffefrir'.

Fel rhan o weithio tuag at gam nesaf y cynllun, y 'Cynllun Adnau', rydym hefyd wedi:

- ◆ gofyn i bobl awgrymu safleoedd ar gyfer datblygu neu ddiogelu, sef 'Safleoedd Ymgeisiol', yr hoffent eu gweld yn cael eu cynnwys yn y CDLI terfynol, a
- ◆ chyflawni astudiaeth, sef Cydastudiaeth Argaeledd Tir ar gyfer Tai (CATT), sy'n asesu argaeledd tir ar gyfer tai yn y Fwrdeistref Sirol.

Gellir dod o hyd i safleoedd ymgeisiol ar Gofrestr Safleoedd Ymgeisiol a safleoedd CATTT yng Nghyd-astudiaeth Argaeledd Tir Tai 2016.

Cafodd 98 Safle Ymgeisiol eu cyflwyno ac mae 45 safle gan y CATT ar hyn o bryd.

Mae'r ymgynghoriad hwn yn rhoi'r cyfle i roi sylw ar y Safleoedd Ymgeisiol a chyflwyno safleoedd newydd i'w hystyried.

Mae'r holl safleoedd hyn yn cael eu hasesu yn ôl a ydynt yn ffitio yn y Strategaeth a Ffeirir. Yn dilyn yr ymgynghoriad, dim ond safleoedd sy'n ffitio yn y 'Strategaeth a Ffeirir' fydd yn ymddangos yn y cynllun 'Adnau'.

Sut ddylai Cyngor Bwrdeistref Merthyr Tudful dyfu yn ein barn ni?

Yn dilyn y 'weledigaeth' a'r 'nodau' rydym wedi datblygu strategaeth ar gyfer y cynllun drwy edrych ar wahanol ffyrdd y gall y Fwrdeistref Sirol dyfu.

Tri opsiwn tyfu y gwnaethom edrych arnynt:

- ◆ Twf uchel:  Adeiladu dros 200 tŷ y flwyddyn  Cynyddu'r boblogaeth yn yr ardal gan 15 %
- ◆ Twf isel:  Adeiladu rhwng 20 a 30 tŷ y flwyddyn  Lleihau'r boblogaeth yn yr ardal gan 0.5 % erbyn 2031
- ◆ Twf isel:  Adeiladu 150 tŷ y flwyddyn (fel y 15 mlynedd diwethaf)  Cynyddu'r boblogaeth yn yr ardal gan 7 % erbyn 2031

Gwnaethom ni edrych ar yr opsiynau hyn i weithio allan sut y bydden nhw'n effeithio ar yr ardal drwy eu hystyried yn erbyn y nodau sy'n gynwysedig yn yr Arfarniad Cynaliadwyedd Cychwynnol. Dyma'r hyn a ganfyddwyd gennym:

Twf uchel	Twf isel	Twf cyson
Byddai'r opsiwn hwn yn cynyddu pwysau ar gyfleusterau, adnoddau naturiol a thir heb ei ddatblygu. Gallai hefyd achosi colli gwagle, amharu ar ardaloedd a fyddai'n dda i fywyd gwyllt natur, cynyddu tagfeydd ac effeithio ar ansawdd yr aer.	Gallai'r opsiwn hwn arwain at ddefnydd aneffeithiol o'r tir, colli cyfleusterau cymunedol, diffyg buddsoddi a dewis tai, ac arwain at ynysu cymunedau. Yn y tymor hir gallai'r opsiwn hwn hefyd achosi cynnydd mewn diweithdra ac arwain at dlodi.	Gallai'r opsiwn hwn helpu i gadw pobl oed gwaith, hunaniaeth cymunedau a chyfleusterau yn y Fwrdeistref Sirol. Y mae'n debygol o gynnig amrywiaeth o fathau o dai a swyddi. Gallai hefyd gynnig buddsoddi, adfywio canol y dref a chyfluoedd ar gyfer allyriadau isel a thrafnidiaeth iach.

Gwnaethom ni ddewis yr opsiwn twf cyson neu 'gynaliadwy'. Ydych chi'n cytuno?

Ble ddylai'r tai gael eu hadeiladu yn ein barn ni?

Yna, gwnaethom edrych ar y gwahanol ffyrdd i weithio allan ble y dylai'r tai newydd gael eu hadeiladu.

Edrychwyd ar dri opsiwn gofodol fel a ganlyn:

- ◆ Estyn Merthyr Tudful i'r gorllewin a rhai safleoedd bach  Adeiladu'r rhan fwyaf o'r tai, hyd at 1500 ar safle SoDdGA Cwm Glo a Glyn-dyrus, gyda datblygiad hamdden, siopa a thwristiaeth.
- ◆ Un safle mawr a rhai safleoedd bach.  Adeiladu llawer o dai, hyd at 1000, ar safle Hoover ynghyd â defnydd cyflogaeth a hamdden i wneud y mwyaf o'r cynigion Metro newydd.
- ◆ Lledaenu safleoedd bach ledled y Fwrdeistref Sirol  Adeiladu yn fras rhwng 50 a 150 o dai ar nifer o safleoedd wedi eu gwasgaru ledled y Fwrdeistref Sirol ond yn bennaf yn Nhref Merthyr Tudful


Gwnaethom ni edrych ar yr opsiynau hyn i weld sut y bydden nhw'n effeithio ar yr ardal drwy eu hystyried nhw yn erbyn nodau sydd wedi eu cynnwys yn yr Arfarniad Cynaliadwyedd Cychwynnol. Dyma beth wnaethom ei ganfod

Estyn Merthyr Tudful i'r gorllewin a rhai safleoedd bach	Safle Hoover a rhai safleoedd bach	Lledaenu safleoedd bach ledled y Fwrdeistref Sirol
Er y gallai'r opsiwn hwn annog pobl oed gwaith i aros yn yr ardal a chefnogi amrywiaeth o dai a chyfleusterau, byddai angen rhagor o ffyrdd, cynyddu defnydd o ynni ac amseroedd teithio. Byddai hefyd yn achosi niwed difrifol i SoDdGa a Thirwedd o Ddiddordeb Hanesyddol ac yn cyfyngu ar gyflenwadau glo.	Byddai opsiwn safle Hoover yn ymddwyn fel hyb ar gyfer cysylltiadau trafnidiaeth ledled y Fwrdeistref Sirol. Hefyd wrth wasgaru safleoedd bach ledled yr ardal, gellir adeiladu cyfleusterau newydd fel ysgolion yn y cymunedau presennol a gwelliannau i gyfleusterau sydd yno eisoes.	Byddai'r opsiwn hwn yn caniatáu'r nifer cywir o dai a chyflogaeth i gael eu hadeiladu ond byddai angen gwell rhwydwaith trafnidiaeth, defnyddio safleoedd gwyrdd ac felly'r posibilrwydd o beri niwed i ardaloedd naturiol a bywyd gwyllt.

**Gwnaethom ni ddewis opsiwn safle Hoover a rhai safleoedd bach.
Ydych chi'n cytuno?**

Y diagram allweddol

Mae 'Ardal Adfywio Strategol Hoover' i'w weld yn y 'diagram allweddol' isod. Caiff y safleoedd bach eraill eu dewis o'r CATT a'r Gofrestr Safleoedd Ymgeisiol, y rhan fwyaf ohonynt oddi fewn i'r 'Prif Ardal Twf' sydd i'r gogledd o'r Fwrdeistref Sirol.



Beth arall ydym ni'n ei gynnig?

Yn ychwanegol at ddewis ble yr ydym yn meddwl y dylai'r tai fynd, rydym ni hefyd yn meddwl bod gweithredu allweddol arall yn angenrheidiol i gyflawni'r weledigaeth a'r nodau a helpu i arwain defnydd o dir yn y dyfodol.

Er mwyn gwella ein lles cymdeithasol rydym wedi cynnwys polisiau sy'n helpu i:

- ◆ Gadw siaradwyr Cymraeg yn yr ardal
- ◆ Cyfeirio'r adeiladu at safleoedd sydd wedi cael eu hadeiladu arnynt o'r blaen yn bennaf oddi fewn i:
 - o Ferthyr Tudful a Threfechan ond hefyd:
 - o Oddi fewn i Droedyrhiw, Aberfan, Ynys Owen, Mynwent y Crynwyr, Edwardsville, Treharris, Trelewis a Bedlinog
- ◆ Cadw'r gwagleoedd agored gorau a gwella'r gwagleoedd agored gwaethaf
- ◆ Cysylltu ffyrdd, llwybrau troed, llwybrau seiclo, llwybrau rheilffordd a bysiau
- ◆ Cadw a gwella cyfleusterau cymunedol

Er mwyn gwella ein lles diwylliannol rydym wedi cynnwys polisiau sy'n helpu i:

- ◆ Gadw a gwella adeiladau hanesyddol, asedau eraill a'u hamgylchiadau sy'n bwysig ar gyfer hanes lleol a thwristiaeth yn benodol:
 - o Ardal Treftadaeth Cyfarthfa

Er mwyn gwella ein lles amgylcheddol rydym wedi cynnwys polisiau sy'n helpu i:

- ◆ Atal colli rhywogaethau a chynefinoedd pwysig
- ◆ Diogelu cefn gwlad, tirluniau arbennig a daeareg

Er mwyn gwella ein lles economaidd rydym wedi cynnwys polisiau sy'n helpu i:

- ◆ Gynnig amrywiaeth o safleoedd at ddefnydd cyflogaeth
- ◆ Cefnogo'r Dref a'r canolfannau lleol
- ◆ Cefnogi twristiaeth
- ◆ Defnyddio adnoddau naturiol yn gynaliadwy

Beth sy'n digwydd nesaf?

Gan mai proses gam wrth gam yw paratoi'r cynllun, rydym am glywed eich safbwyntiau am y dewisiadau rydym wedi eu gwneud hyd yma yn enwedig yn yr opsiynau 'twf' a 'gofodol'. Gellir dod o hyd i wybodaeth fanylach yn y Strategaeth a Ffefrir y gellir ei gweld yma:

- ◆ www.merthyr.gov.uk
- ◆ Swyddfeydd y Cyngor, Canolfan Ddinesig, Stryd y Castell, Merthyr Tudful, CF47 8AN
- ◆ Swyddfeydd y Cyngor, Uned 5, Parc Busnes Triongl, Merthyr Tudful, CF48 4TQ
- ◆ Llyfrgell Ganolog Merthyr Tudful, Stryd Fawr, Merthyr Tudful, CF47 8AF
- ◆ Llyfrgell Dowlais, Stryd yr Eglwys, Dowlais, Merthyr Tudful, CF48 3HS
- ◆ Llyfrgell Treharris, Stryd Perrott, Treharris, Merthyr Tudful, CF46 5ET
- ◆ Llyfrgell Gymunedol Aberfan, Heol Pantglas, Aberfan, Merthyr Tudful, CF48 4QE
- ◆ Hyb Llyfrgell Rhydycar, Canolfan Hamdden Merthyr Tudful, Merthyr Tudful, CF48 1UT

Byddwch hefyd yn dod o hyd i ddogfennau eraill yma yn cynnwys:

- ◆ Arfarniad o Gynaliadwyedd Cychwynnol a'r crynodeb dealladwy
- ◆ Cofrestr Safleoedd Ymgeisiol
- ◆ Adroddiad Sgrinio Asesiad Rheoliadau Cynefinoedd

Ymhlith y dogfennau cefnogol technegol eraill mae:

- ◆ Papur Cefndir Gofynion Poblogaeth a Thai
- ◆ Papur Cefndir Ardaloedd Tirlun Arbennig
- ◆ Papur Adolygu Cefndir Safleoedd o Bwysigrwydd Cadwraeth Natur
- ◆ Adroddiad Adolygu CDLI

Bydd y Cyngor yn ystyried yr holl sylwadau a ddaw i law cyn 12pm ar 25 Awst 2017 cyn paratoi fersiwn Adnau'r CDLI, a'r Arfarniad o Gynaliadwyedd a'r Asesiad Rheoliadau Cynefinoedd (ARhC) sy'n gydymaith iddo.